

釋音

稼而半 爰居月 昧音貸 代代 整切 亦攬 稷切
峻子曼 入夏 一遠 蒂音難 乃旦 腕七 歲切
碎音 緝音 國音 恢音 斷音 路音 愈音 純音

後序

老氏之書傳於世也久矣其言微其旨遠而莫能極學者非明白洞達窮道德性命之理未易測其津涯也夫老氏豈欲為甚高之論以取惑於世蓋至道之極窈冥昏默雖聖人猶且不能名方道術既散之際苟不示其髣髴明其大略則天下後世有愚而不靈者蕩然無所適茫然無所守不知大道之本原而為倒置之民也於是不得已強而為之言以明夫道大焉彌滿六合而無外小焉入乎纖介而無間其玄則為衆妙之門其粗則治家治國治天下無事不在昔之為註者有三曰河上公曰明皇曰王弼夫三家之說其間不能無去取然各有所長要其歸宿莫非究大道之本近世王雱深於道德性命之學而老氏之書復訓嚴旨明微燭隱自成一家之說則八十一章愈顯於世然世之學者以老氏為虛無無用之文少嘗加意陳言鄙論自以為得殊不知大道之本由老氏而後明老氏之經由數家而後知非俗學者所易闕也

太守張公深達夫道德性命之理以文章作人以經術訓多士常患夫執經者不知道乃命嘗舍之學者參其四說無復加損刊集以行於時而廣其教俾夫承學之士知老氏之書非徒為虛誕之辭極深研精皆足以造乎至理其真以治身其緒餘土直為天下國家則學者豈曰小補之哉迴承教下風幸得以親炙故祗請以書歲月且不泯其傳時元符元年十月一日前權英州軍事判官梁迥謹序

特三